



Na osnovu članka 61. stavak (2) Zakona o upravi („Službeni glasnik Bosne i Hercegovine“, broj 32/02 i 102/09) i Odluke o postupku i načinu izbora dodatnog osoblja te uvjetima i načinu obavljanja poslova dodatnog osoblja u Ministarstvu pravde Bosne i Hercegovine, broj: 05-34-2-3977/17 od 20.4.2017. godine, Odluke o izmjenama i dopunama Odluke o postupku i načinu izbora dodatnog osoblja te uvjetima i načinu obavljanja poslova dodatnog osoblja u Ministarstvu pravde Bosne i Hercegovine, broj: 05-34-2-3977-3/17 od 17.8.2017. godine i Odluke o izmjeni Odluke o postupku i načinu izbora te uvjetima i načinu obavljanja poslova dodatnog osoblja u Ministarstvu pravde Bosne i Hercegovine, broj: 05-34-2-3977-4/17 od 13.11.2019. godine, Ministarstvo pravde Bosne i Hercegovine raspisuje

JAVNI POZIV

U cilju realizacije „Memoranduma o razumijevanju“, potpisanog između Delegacije Evropske unije i Ministarstva pravde Bosne i Hercegovine, raspisuje se Javni poziv za privremeno angažovanje izvršilaca u Odjelu krivične odbrane Ministarstva pravde Bosne i Hercegovine, na osnovu Ugovora o djelu, do isteka važnosti Memoranduma i to:

1. Pravni savjetnik..... 1 izvršilac.

Za obavljene poslove angažovana lica imaju pravo na mjesečnu naknadu u neto iznosu koji će biti preciziran Ugovorom o djelu, a shodno finansijskoj podršci Evropske unije.

Opis poslova:

1. Pravni savjetnik se angažuje radi pružanja pravne i tehničke potpore advokatima koji zastupaju pred Odjelom I i Odjelom II Suda BiH u cilju rješavanja zahtjeva za pravnom podrškom pred Sudom BiH, uključujući analiziranje sudske prakse relevantnih međunarodnih sudova, kao i pružanje ostalih vidova pravne potpore braniteljima, a u okviru mandata Odjela krivične odbrane, učestvuje u razvijanju i kontinuiranom unapređivanju programa edukacije za branitelje, koordinira organizaciju i realizaciju seminara, obuka kao i drugih edukativnih programa na teme iz oblasti međunarodnog krivičnog prava, krivičnog prava, vještina zastupanja i ostalih relevantnih tema po nalogu šefa Odjela za edukaciju u krivičnim stvarima pred Sudom BiH, ostvaruje vezu s Međunarodnim krivičnim sudom za bivšu Jugoslaviju u cilju koordinacije i unapređenja saradnje između Suda i branitelja, te obavlja i druge poslove neophodne za postizanje ciljeva iz potpisanog Memoranduma, a po nalogu šefa Odjela za krivičnu odbranu i šefa Odjela za edukaciju u krivičnim stvarima pred Sudom BiH, kojima podnosi izvještaj o svome radu.

Uslovi: Pored opštih uslova, da su kandidati državljani Bosne i Hercegovine, stariji od 18 godina, zdravstveno sposobni, da se protiv njih ne vodi krivični postupak i da nisu obuhvaćeni odredbom člana IX. stav (1) Ustava Bosne i Hercegovine, kandidati moraju ispunjavati i sljedeće posebne uslove:

- a) završen Pravni fakultet – diploma o završenom VII. stepenu ili diploma po Bolonjskom sistemu studiranja o stečenih najmanje 240 ECTS bodova,
- b) najmanje tri godine radnog iskustva u struci,
- c) znanje rada na računaru,
- d) dobro poznavanje engleskog jezika,
- e) dobro poznavanje Krivičnog zakona i kaznenog postupka u BiH, međunarodnog humanitarnog prava, Evropske konvencije o ljudskim pravima i drugih međunarodnih instrumenata za zaštitu ljudskih prava i njihovog tumačenja, kao i relevantne domaće i međunarodne sudske prakse.

Potrebni dokumenti:

- dokaz o završenom Pravnom fakultetu – diploma, odnosno za kandidate koji su visoko obrazovanje stekli po Bolonjskom procesu uz fakultetsku diplomu potrebno je dostaviti i dodatak diplomi, a u slučaju da fakultet nije završen u Bosni i Hercegovini, diploma mora biti nostrificirana (dokaz o nostrifikaciji),
- dokaz o radnom iskustvu u struci – dokazuje se uvjerenjem odnosno potvrdom/uvjerenjem koju izdaje poslodavac kod kojeg je kandidat ostvario potrebno radno iskustvo.

Kandidat je dužan dostaviti životopis (CV) i potpisanu prijavu u kojoj je dužan naznačiti telefonski broj, te privatnu e-mail adresu, putem koje će Komisija s njim komunicirati. Kandidat koji u prijavi ne dostavi e-mail adresu, automatski će biti isključen iz daljnje procedure po Javnom pozivu.

Traženi dokumenti moraju biti ovjerene kopije ili originali, s tim da predani dokumenti ne podliježu vraćanju. S kandidatima koji ispunjavaju uslove iz Javnog poziva i koji se blagovremeno prijave na Javni poziv, obaviti će se pismeno i usmeno testiranje. O datumu i mjestu testiranja kandidati će biti obaviješteni.

Kandidat kojem se ponudi zaključenje Ugovora o djelu dužan je u ostavljenom roku, koji ne može biti kraći od 10 dana dostaviti uvjerenje da je zdravstveno sposoban izvršiti djelo za koje se Ugovor zaključuje i uvjerenje da se protiv njega ne vodi krivični postupak (ne starije od 3 mjeseca), kao i izjavu da nije obuhvaćen odredbom člana IX.1 Ustava Bosne i Hercegovine ovjerenom od strane nadležnog organa.

Prijave s dokumentacijom je potrebno dostaviti najkasnije deset (10) dana od dana objave Javnog poziva putem pošte preporučeno na adresu:

„Ministarstvo pravde Bosne i Hercegovine, Trg Bosne i Hercegovine br. 1, 71 000 Sarajevo”, s naznakom:

“Javni poziv za angažovanje izvršilaca u Odjelu krivične odbrane Ministarstva pravde Bosne i Hercegovine”.

Neblagovremene prijave neće se uzimati u razmatranje.

U slučaju nepotpune prijave Komisija može kontaktirati kandidata da dopuni prijavu u roku koji mu ostavi Komisija.